

Nama Reti Kristen?

BAGI KE DUA

Kitai ENDA TAU ENDA di ada ka baru!

- 1) *“⁵IYA (Allah Taala) ngelepas ka kitai, ukai kategal pemanah pengawa ti udah dikereja kitai, tang laban PENGASIH IYA empu. IYA ngelepas ka kitai lebu^h Roh Kudus masu kitai ulih IYA ngada ka kitai baru sereta ngubah pendiau kitai. ⁶Allah Taala ngiri ka Roh Kudus atas kitai, ulih Jesus Kristus ti Pengelepas kitai, ⁷awak ka kitai dikumbai lurus ulih pengasih Allah Taala, lalu (ulih nya kitai) bempu pesaka pengidup meruan, ti endang di-adang kitai” (Titus 3: 5-7).*
 - a) Tu penerang ka ditusoi Rasul Paul pasal pengawa Kristus, ti udah dikereja Iya ti meri pengelepas ka kitai mayuh. Kitai mindah ari pengidup ti penuh enggau dosa ngagai siti endur ti dibai Roh Tuhan; ianya SEMUA DOSA, ukai semina sekeda aja, UDAH DIBASU. Basu tu dibanding ka ngagai Baptisa Ai, laban nya tanda Pengelepas. Nyadi orang kristian, ianya orang ti arap, ngaku Jesus nya Tuhan, lalu mereti ka pengawa Kristus ti nebus kitai. Kitai bulih pengidup ti meruan nyengkaum pengeraja serega. Kitai udah di-ubah ulih Roh Kudus, lalu Iya deka terus ngubah ati kitai. Pengawa tu enda nyadi, enti Allah Taala enda ngenjuk sereta kasih ka kitai.
 - b) Lebu^h pengawa ti ngelepas ka kitai ari dosa tu dikereja, katiga-tiga Anak, Apai enggau Roh Kudus sama bisi dia. Nitih ka pengawa pasal ‘penebus dosa’ dikereja, Anak nyadi ka piring (genselan) idup, Apai ngampun penyalah enggau Roh Kudus masu dosa, lalu Iya terus (enda ngetu) ngubah pendiau kitai.
- 2) Nyadi orang kristian tu ianya orang ke diada ka baru ulih Roh Tuhan. Ko Jesus *“³Enggau bendar aku madah ka nuan nadai siku orang ulih meda Perintah Allah Taala enti iya enda **di-ada ka baru**, ⁵....enggau bendar Aku madah kita: nadai siku orang ulih meda Perintah Allah Taala enti iya enda **di-ada ka ulih Ai enggau Roh**. ⁶Anak ti ada ka mensia iya nya nitih ka gaya pengidup mensia ti bedosa, lalu anak ti di-ada ka Roh Kudus iya nya dikembuan Roh Kudus. ⁷Anang tekenyit ati ka tegal aku ti madah ka kita, kita **enda tau enda ada baru**”, (John 3:3,5-7).*
 - a) Genteran 3; Jesus nerang ka ‘konsep’ baru, pasal orang ti ulih masuk ngagai Perintah Allah Taala. Tu ukai undang-undang pasal ti masuk perintah menua tauka masuk perintah ti enda sabaka bansa. Tang pengawa ti patut dikereja kitai dikena masuk Perintah Kristus, ianya; ngesal sereta lengka ka dosa enggau di-ada ka baru ulih Roh Kudus. Tu tau disebut ka pengada ti datai ari atas (serega).
 - b) Genteran 5-7; Di-ada ka ulih Ai enggau Roh, tau dibanding ka ngagai; (1) diperanak ka ulih mensia (Ai), ti datai ulih tubuh tauka darah enggau di-ada ka ulih Roh (Roh Kudus), kuasa ka enda ulih peda ti ngubah ati enggau runding kitai, (2) tauka di-ubah baru ulih kuasa Roh Tuhan enggau ditanda ngena pengada baru – Baptisa orang Kristian. Kitai arap ka Krtistus ti udah nanggung dosa kitai, lalu ditebus ngena darah Iya ba kayu regang [*tubuh kitai di-ada ka baru ulih Ai (baptisa*

Nama Reti Kristen?

dalam nama Apai, enggau Anak enggau Roh Kudus), nya tanda kitai nyerah diri ngagai Tuhan enggau roh kitai (samengat) di ada ka baru ulih Roh Tuhan (nerima Roh Kudus)].

- 3) **Jaku Simpul**; Banding ari genteran 3, 5-7, pesan Kristus pasal di-ada ka baru tau di simpul ka bakatu; (1) Arap ka Jesus (**John 14:1**), (2) ngesal sereta lengka ka dosa (**Matthew 4:17**), (3) nyerah diri ngagai Tuhan (**Mark 8:35**), (4) baptisa dalam nama Apai, enggau Anak, enggau Roh Kudus (**Matthew 28:19**), (5) nerima Roh Kudus (**SPKR 2:38**), (6) arap ka Injil (**2 Timoti 3:15-16**) enggau (7) belajar lalu ngasi ka pesan Kristus (**SPKR 2:42; 17:11**).
- c) Ai mega tau nyadi ka kelai pemeresi (dibasu) ulih Roh Tuhan dalam (**Titus 3:5**). Tu mega tau dibanding ka ngagai (**Esekiel 36:25-27**) madah ka bakatu; “²⁵AKU (Allah Taala) deka ngunsai kita ngena Ai ti beresi, ngambi ka kita tuchi ari semua engkeramba kita enggau ari semua utai bukai ti udah ngamah kita. ²⁶AKU deka meri kita ati ti baru, lalu meri roh ti baru ngagai kita. AKU deka muai ati kita ti baka batu, lalu meri kita ati ti ngasi. ²⁷AKU deka ngiri ka Roh AKU ngagai kita, lalu netap ka kita ulih nitih ka adat sereta ngingat ka semua pesan ti diberi AKU ngagai kita.”
- ☞ Ari genteran jaku TUHAN ti di atas nya, IYA meri kitai pemereti ati pasal; Bakani pan penyai pengidup kitai diatu, TUHAN deka meri ka kitai pemun pengidup ti baru. Kitai deka dibasu ari semua dosa, nerima ati ti baru, lalu Roh TUHAN deka mengkang dalam kitai, ENTI kitai nerima janji enggau pesan TUHAN. Anang nguji nampal pengidup kitai ngena utai ti baru bechampur enggau pengidup ti lama, laban nya tanda kitai apin nyerah diri 100% ngagai TUHAN.
- d) Bisi lima bengkah penerang pasal ai;
- i. Ai dikena manding ka pengada ari tubuh mensia.
 - ii. Ai dibanding ka ngagai Jaku Tuhan
 - iii. Ai dibanding ka ngagai Roh Kudus
 - iv. Ai dibanding ka ngagai pengawa John Pemaptisa
 - v. Ai dibanding ka ngagai baptisa ai nyadi ka batang jalai pengelepas
- 4) “Ulih jaku Allah Taala ti endang idup sereta meruan, kita **di ada ka baru** baka anak Apai ti enda mati ti endang meruan”, (**1 Peter 1:23**). Di-ada ka baru, kitai udah betukar nyadi orang ti takut ngereja penyalah, laban kuasa Roh Kudus bisi diau ba kitai, Iya ti nagang kitai deka ngereja pengawa ti jai ti tau ngasuh kitai bedosa.

Udah tu peda BAGI Ke Tiga – Sulu Kaul Enggau TUHAN.....